

Ngayong gabi
Siya ang may ari ng syudad
Tulad ng dati
Parang hari kung maglakad
Nakapikit
Ikot pa ang lagalag
Umaawit
Sisinghot ang batang banaag

High na high sa highway
Solb na solb sa solvent

High na high
Solb na solb
Sa highway
Sa solvent

Nag iisa
Napaupo sa bangketa
Tumatawa
Dinuduro ang estatwa
Nagbibilang
Ng sasakyang nagdadaan
Nag-aabang
Kung ano ang wala naman

High na high sa highway
Solb na solb sa solvent

High na high
Solb na solb
Sa highway
Sa solvent

Naghahanap
Ng pagkain sa basura
Ang masarap
Sa paninging tira-tira

Nakahiga
At binabalot ng sakong sira
Batang gala
Plastic na supot ang dala